



楊一凡編

中國監察制度文獻輯要

第五冊

紅旗出版社

# 中國監察制度文獻輯要第五冊目次

欽定臺規八卷(下)

〔清〕杭奕祿等修 慧中等纂  
清乾隆刊本

都察院六卷

〔清〕張廷玉等纂修  
清乾隆二十九年內府刊欽定大清會典則例本

三三五

〔清〕杭奕祿等修 慧中等纂 清乾隆刊本

欽定臺規 八卷

卷四至卷八



朝會

凡慶賀

萬壽聖節元旦冬至尊上

徽號冊立

皇后冊立

東宮進呈

實錄頒

詔傳臚狀元率諸進士謝表及每月朝期恭遇

皇帝陞殿輪值侍班糾儀殿西簷下滿御史二員諸

王行禮處東西兩班滿御史各二員各官行禮  
處東西兩班滿漢御史各二員各官排坐處東  
西兩班滿漢御史各二員

附載

凡視朝

駕未出則內閣大學士學士翰林學士起居注官都  
察院左都御史副僉都御史先入候

駕

駕出先於

中和殿升坐內閣翰林都察院起居注官行禮畢  
先自

御路趨往

太和殿內閣立殿門外東西向都察院立殿門外  
西東向然後

駕至升坐諸王分東西班魚貫而入敷茵於地而坐  
起居注班諸王後向東其諸王謝恩則拜於臺  
階之上畢然後尚書以下文武官員謝恩行三  
跪九叩頭禮畢然後外國陪臣行禮亦如之



雍正二年奉

諭旨元旦日鹵簿大駕排班之處左班官員不在班行  
站立成羣混行來往此皆大典之地係都察院之責  
伊等當卽行拿叅纔是將元日日左班站班之監察  
御史交與該部察議嗣後排班行禮之處左右兩班  
著揀選派出侍衛各四五人監管如有此等混走者  
該監察御史卽指與侍衛拿究

凡

御門聽政部院衙門及科道衙門啟奏時

乾清門西傍簷下侍班糾儀滿漢御史各二員

康熙二十五年定滿漢各一員二十六年停止  
五十四年復設糾儀御史滿漢各添一員

凡布按朝覲引

見條陳掌道滿漢御史俱侍立分東西兩班

凡

經筵侍班滿漢御史各一員

每年二月八月舉行

經筵是日內閣滿漢大學士同六部尚書都察院

通政使司大理寺詹事府滿漢堂官各一員至  
文華殿丹陛兩旁侍班滿漢給事中各一員御史  
各一員侍儀禮部鴻臚寺官預設書案及講官  
講案

駕出至

殿陛

座侍班各大臣官行二跪六叩頭禮各退立原班鴻  
臚寺堂官兩旁各一員引各官由左右階進

殿內各按部院衙門兩旁序立滿講官於東邊柱

前立漢講官於西邊柱前立其侍儀科道官於殿內兩旁東西相向侍立鴻臚寺贊進講講官各從原班出進至講案前行一跪三叩頭禮退立原班滿漢講官次第進講畢退立原班鴻臚寺引各官至丹墀行二跪六叩頭禮禮畢

乘輿還宮衆官同至

協和門

賜宴宴畢鴻臚寺引各官至

太和門外謝

恩行一跪三叩頭禮皆退

凡

天安門外宣

詔監禮滿漢御史各二員

凡

午門外頒時憲書頒賞監禮滿漢御史各二員

凡會試鄉試放榜後考試官進士舉人

午門外謝

恩監禮東西兩班滿漢御史各二員

凡慶賀

太皇太后

皇太后聖誕元旦冬至令節恭上

徽號一應慶賀大典諸王大臣詣

太皇太后宮行禮輪值糾儀

慈寧門外滿漢御史二員

永康左門外滿漢御史各二員

皇太后宮行禮輪值糾儀

寧壽宮門外滿漢御史二員班末滿漢御史各二員

文武各官在

午門外隨同行禮輪值糾儀東西兩班滿漢御史  
各二員

凡遇

皇太子出閣講書各官在

主敬殿丹墀下排立侍儀滿漢御史各一員

順治十八年都察院題准凡遇朝期祭祀糾儀  
齋宿差滿漢御史稽察部院各衙門官有失誤  
者題請議處

康熙五年都察院題准凡遇朝期鴻臚寺將謝恩等官員名數先送印冊到都察院臨期糾儀御史照冊查收職名

雍正二年都察院題准嚴肅朝儀四條

一

皇上陞殿之日定例文武官員分別左右各隨旗分按品級排班凡進退俱係鴻臚寺官員導引今朝集官員內每有不按次序任意行走之員殊屬非禮嗣後入朝時鴻臚寺官在



午門導引各官預先進東西掖門分別左右各按  
品級班次站立行禮畢仍歸原班候

駕回宮仍舊引出若有不隨旗分不按品級坐立任  
意往來行走者卽行指名題叅監察官員若不  
查叅鴻臚寺官員若不導引排班一併題叅治  
罪

一

皇上升殿之日定例旗員分別左右翼排班漢官俱  
在左翼之末偏集一處進退不齊稽察亦難嗣